

TEZĂUR LITURGIC

15 MAI

ACATISTUL SF. CNEAZ-MUCENIC DIMITRIE IOANOVICI DE LA UGLICI ȘI MOSCOVA



MOSCOVA, 2000



Акафист

святому благоверному царевичу Димитрию Угличскому

Кондак 1

Избранному страстотерпцу и предивному чудотворцу, града Углича небесному покровителю, славному благоверному князю царевичу Димитрию составим похвалы, правды ради, яко Абель, от врага пострадавшему, предивному удобрению земли Российския. Ты же, яко имеяй дерзновение ко Господу, от всяких нас бед свободи, да зовем ти:

Радуйся, святый страстотерпче княже царевичу Димитрие.

Икос 1

Ангелов и человеков Творец и Господь яви душу твою непорочну и нрав ангельский от святых купели Крещения твоего, страстотерпче княже царевичу Димитрие; избега еси обычных света

сего суёт и соблазнов, чужд был еси претыканий и падений, чистым сердцем моляся ко Единому Всеблагому Богу, милостивно взирающему на кротких и смиренных. Сего ради ты чтим, яко молитвенника тепла и чудотворца изрядна, и к честней твоей иконе припадающе, умильно тебе зовем:

Радуйся, града Москвы прозябение святое. Радуйся, рода царскаго благая отрасле. Радуйся, от отца, благодати тезоименита, и матери, госпожи нареченныя, рожденный. Радуйся, твоего Ангела Хранителя непрестанное увеселение. Радуйся, Углича града нерушимое утверждение. Радуйся, отроком похвало и славо. Радуйся, невинностию и чистотою убеленный. Радуйся, честною твоею кровию обогранный. Радуйся, Церкви Христовы лучезарный светильниче. Радуйся, всех спасаемых кроткий наставниче.

Радуйся, святой страстотерпче княже царевичу Димитрие.

Кондак 2

Видя Господь Бог чистую твою душу, восхотел быти тебе освященному сосуду Духа Святаго, всельшагося в непорочное сердце твое и

воздыхáнии неизглаго́ланными научи́вшаго тя́ благоприя́тно пѣти Пресвяте́й Трои́це: Аллилу́иа.

И́кос 2

Ра́зум иму́ще помраче́нный зло́бою, врази́ твои́, царевичу́ Димит́рие, не терпя́ще тя́ зрѣти во гра́де Москвѣ, отосла́ша тя́ с ма́терию твоєю́ во град У́глич. Мы́ же тя́ срета́ем пѣнием таковы́м:

Ра́дуйся, непови́нный изгна́нниче. Ра́дуйся, Ца́рствия Небе́снаго насле́дниче. Ра́дуйся, в ю́ности твоёй креста́ своего́ усердны́й носите́лю. Ра́дуйся, и́го Христо́во и брѣмя Его́ благоду́шно поды́мый. Ра́дуйся, в страда́нии твоём до́блесть чу́дную яви́вый. Ра́дуйся, я́звы Го́спода Иису́са Христа́ на теле́ твоём носив́ый. Ра́дуйся, гра́да У́глича и всея́ страны́ нашея́ крѣпкое защи́щение. Ра́дуйся, святы́я Правосла́вныя Це́ркве свѣтлая похва́ло и утвержде́ние.

Ра́дуйся, святы́й страсотѣрпче кня́же царевичу́ Димит́рие.

Конда́к 3

Си́ла Вы́шняго войсти́ну тя́ храня́ше, свя́те Димит́рие, егда́ врази́ твои́ я́дом тя́ уби́ти хотя́ху; ты́ же, а́ще и сме́ртное испи́л еси́, о́баче без вреда́ пребы́л еси́, всехва́льне, чи́стыми усты́ твоими́ поя́ спаса́шему тя́ Бо́гу: Аллилу́иа.

И́кос 3

Име́я от ю́ности твоея́ чистоту́ се́рдца, чу́жд бы́л еси́ мирскія́ утѣхи отроко́в; сего́ ра́ди Промыслитель Бо́г, призира́яй всеви́дящим о́ком на всю́ тва́рь, испо́лни ду́шу твою́ благода́ти. Прославля́я убо́ Его́ благо́е о тебе́ промы́шление, усер́дно к тебе́ взыва́ем:

Ра́дуйся, смире́ннаго и благода́тнаго о́трочества Христо́ва подража́телю. Ра́дуйся, благода́ти Бо́жия досто́йное храни́лище. Ра́дуйся, свѣрстником твои́м приме́ре благона́врия. Ра́дуйся, иску́са мирскихъ сласте́й не прие́мый. Ра́дуйся, благода́тное отроча́, ду́х стра́ха Бо́жия стяжа́вшее. Ра́дуйся, житѣ́йскихъ зо́л неприча́стный. Ра́дуйся, за лишѣ́ние земно́е райскимъ наслажде́нием утѣ́шенный. Ра́дуйся, за ну́жды временны́я изоби́лия бла́г вѣчны́я несконча́емая ра́дости сподо́бивыйся.

Ра́дуйся, святы́й страсотѣ́рпче кня́же царевичу Димі́трие.

Конда́к 4

Бу́рям житѣ́йскихъ скорбе́й утолѣ́ния и́щущи, благове́рная Мари́я, ма́ти твоя́, Царевичу Димі́трие, с во́племъ крѣ́пким моля́шеся и ко Го́споду взыва́ше: «Изми́ нас, Го́споди, от

челове́ков лука́вых и от мужей непра́ведных
изба́ви нас». Те́мже в ско́рби се́рдца своего́
и́злиха вопия́ла е́сть к Бо́гу: Аллилу́иа.

И́кос 4

Слы́шаще и ви́дяще лю́дие гра́да У́глича
равноа́нгельное жити́е твоё, благове́рне
царе́вичу Димі́трие, зело́ почита́ху тя, я́ко
Бо́жия избра́нника, и попремно́гу тя чествова́ху
пе́нием тако́вым:

Ра́дуйся, кня́же наш вожде́ленный. Ра́дуйся,
во благове́рии нам утвержде́ние. Ра́дуйся, я́ко
Христа́ в невинной ду́ши твое́й всели́л еси́.
Ра́дуйся, луча́ми Свята́го Ду́ха озаре́нный.
Ра́дуйся, милосе́рдия Христо́ва подража́телю.
Ра́дуйся, вдов и сирот прибе́жище и пита́телю.
Ра́дуйся, младе́нцем и отроко́м нашим небе́сный
покрови́телю. Ра́дуйся, и все́м чту́щим тя
усе́рдный к Бо́гу моли́твенниче.

Ра́дуйся, святы́й страсоте́рпче кня́же
царе́вичу Димі́трие.

Конда́к 5

Боготе́чной звездё, украша́ющей не́бо
церко́вное, уподо́бити тя дерза́ем, страсоте́рпче
кня́же Димі́трие, нам, блудя́щим во тьме́
нече́стия и беззако́ния, пу́ть спасе́ния

указу́ющей и на стези́ правды и благоче́стия лю́ди Бо́жия наста́вляющей, усер́дно Го́споду, Зижди́телю вся́ческих, немол́чно взыва́ющих: Аллилу́иа.

И́кос 5

Ви́дим тя́, благове́рне царевичу́ Дими́трие, подобника́ тезоимени́тому ти́ великомученику́ Дими́трию Солу́нскому: я́коже он ко́пиями избодён б́яше, та́ко и ты́ от твои́х рабо́в, я́ко а́гнец непоро́чен ножём заклан б́ыл еси́. Мы́ же, со стра́хом помина́юще мученическую́ кончи́ну твою́, к тебе́ взыва́ем си́це:

Ра́дуйся, непови́нный страда́льче. Ра́дуйся, же́ртво беззако́ннаго властолю́бия. Ра́дуйся, ца́рскую диади́му кро́вию твоёю́ обагри́вый. Ра́дуйся, я́ко крест в ру́ку вме́сто ски́птра прия́л еси́. Ра́дуйся, я́ко вме́сто земна́го ца́рства, Небе́сное Ца́рство восприя́л еси́. Ра́дуйся, я́ко осмолётним во́зрастом, я́ко клас незре́л, пожа́лся еси́. Ра́дуйся, кро́вию твоёю́ зёмлю́ У́гличскую́ освяти́вый. Ра́дуйся, я́ко с мученики́ и со все́ми святы́ми при́сно торжеству́еши. Ра́дуйся, святы́й страсотер́пче кня́же царевичу́ Дими́трие.

Кондак 6

Проповѣдник неповиннаго твоего убиения явися гроб твой, страсотѣрпче княже Димитрие, иже пятьнадесять лѣтъ храняше нетлѣнным тѣло твое; тѣмже и до днѣсь благовѣрнии людіе, припадающе к раце многоцелѣбныхъ мощѣй твоихъ, благодарно поютъ Богу: Аллилуиа.

Икос 6

Возсия яко солнце память твоя, страсотѣрпче царевичу Димитрие, и течетъ слава, яко река в Россійстей земли, повѣдаючи, яко не по мнозе времени настоящее житіе виде и осмолѣтнимъ возрастомъ лютую, неповинную смѣрть приял еси; яко агнецъ незлобивъ, ничимъ же противился еси рабу твоему и убийце. Сего ради мы со умилѣниемъ тебѣ взываемъ сице:

Радуйся, неповинное закланіе претерпѣвый. Радуйся, яко кровь твоя, якоже Авелева, вопиетъ отъ земли ко Христу Богу. Радуйся, бисере драгоценный, в небесной сокровищнице Христовѣ сохраненный. Радуйся, диадиму княженія земнаго с венцемъ мученическимъ сочетавший. Радуйся, исцелений благодатный источникъ. Радуйся, дарований великихъ вместилище. Радуйся, яко тобою дивенъ Богъ во

Святых своих является. Радуйся, яко тобою благочестно имя Христо́во прославляется.

Радуйся, святы́й страстоте́рпче кня́же царевичу Димитрие.

Конда́к 7

Хотя́й Госпо́дь спасти́ зе́млю Ру́сскую, егда́ лю́тое колеба́ние бы́сть в землі на́шей по сме́рти твоёй, благове́рне царевичу Димитрие, от о́ных злых и наве́тных челове́к, лжу́щих и́менем твои́м; твои́м же заступле́нием и моли́твами Бо́г те́х погуби́ и лю́тое колеба́ние от них укроти́. Мы́ же хвале́бно о се́м ко Го́споду взыва́ем: Аллилу́иа.

И́кос 7

Но́вый яви́ся враг в Росси́йстей землі по сме́рти твоёй, страстоте́рпче царевичу Димитрие, и́же пре́жде нося́й на себе́ о́браз ино́ческий, по́слежде све́рже его́ с себе́, и возложи́ на ся тезоимени́тво твоё, и бы́сть ца́рь; Бо́г же, моли́тв ра́ди твои́х, до конца́ сего́ погуби́. Лю́дие же Росси́йския, от злых изба́вьшися, благода́рно к тебе́ взыва́ху:

Радуйся, земли́ Росси́йския неусы́пный заступни́че. Радуйся, о спасе́нии ея́ те́плый моли́твенни́че. Радуйся, отра́до на́ша и в

скóрбех утешéние. Рáдуйся, согрешáющих исправлéние и недúгующих исцелéние. Рáдуйся, благоврéменная нáша в напáстех пóмоще. Рáдуйся, предваряяй прошéния призывáющих тя́ в бедáх. Рáдуйся, граждани́не Иерусали́ма Небéснаго. Рáдуйся, цáрства Христо́ва наслéднице.

Рáдуйся, святый́ страсотéрпче кня́же царéвичу Димит́рие.

Конда́к 8

Стра́нное ми́рови жити́е твоё́ видяще, устрани́мся и мы́ того́ суёт, и ум на небеса́ прелóжше, возопи́м к тебе́: о страсотéрпче царéвичу Димит́рие! Утоли́ болéзни и источи́ благодáтная врачевáния всём, усéрдно к пóмощи твое́й притека́ющим и вопию́щим вы́ну к Бо́гу: Аллилу́иа.

И́кос 8

Все́ми вы́шними и ни́жними влады́чествуяй Господь, яви́ тя́, страсотéрпче царéвичу Димит́рие, приснаго́ нам помóщника и от враг ви́димых и неви́димых крéпкого защи́тника, навча́ющаго нас подража́ти тебе́ в чистоте́ и незло́бии, да напра́виши сердца́ нáша ко смире́нию, пока́нию и неосла́бному

исполнѣнію заповедей Христовых. Мы же
взываем ти сице:

Радуйся, грѣшных ко исправленію
приведѣніе. Радуйся, миро врачѣбное недугов
многообразных. Радуйся, хранителю наш
крѣпкий и неусыпный. Радуйся, не токмо
телесных, но и душевных болѣзней изрядный
целителю. Радуйся, в честных твоих иконах и
мощами с нами пребываая. Радуйся,
исполнивый на себѣ слово Божіе: хранит
Господь вся кости их. Радуйся, Небеснаго Сиона
жителю. Радуйся, нерукотворенных скиний
райских обитателю.

Радуйся, святый страстотерпче княже
царевичу Димитрие.

Кондак 9

Всѣ естество ангельское возрадовася, видяще тя,
страстотерпче царевичу Димитрие: аще и яко
клас незрел пожался еси, но святою твоєю
душею невредим пребыл еси, и ныне с лики
ангельскими в небесных селеніих пребываеши,
радуяся, и с ними немолчно Святей Троице
поѣши: Аллилуиа.

И́кос 9

Ветія́ многовещаннѣя не возмо́гут по достоя́нню восхва́лити мѣлости и всѣ́ чудеса́ твоя́, царевичу́ Димі́трие, и́миже отце́м на́шим вспомо́ществова́л еси́; не отрини́ и на́с, ча́д их, стопа́ми их к тебе́ шествующих и моле́бне к тебе́ взыва́ющих:

Ра́дуйся, мѣлостивый утѣшителью́ в беда́х на́м сущим. Ра́дуйся, беспомо́щных спасительное призре́ние. Ра́дуйся, боля́щих младе́нцев безме́здный целѣбниче. Ра́дуйся, ни́щих и убо́гих ско́рое услы́шание. Ра́дуйся, то́ки чуде́с ми́ру явля́яй. Ра́дуйся, слепце́м зрѣние возвраща́яй. Ра́дуйся, де́вственных лико́в сла́во и похва́ло. Ра́дуйся, земных упова́ние и небе́сных сла́во.

Ра́дуйся, святы́й страсотѣрпче́ кня́же царевичу́ Димі́трие.

Конда́к 10

Спасті́ся на́м хотя́щим до́бр во́ждь ко спасѣ́нню яви́лся еси́, страсотѣрпче́ царевичу́ Димі́трие; сего́ ра́ди со усѣрдным моле́нием к чудотво́рному твоему́ образу́ притека́ем, твоею́ всеси́льною о Го́споде по́мощию, я́ко необори́мою стено́ю, огражда́емся, усѣрдно взыва́юще ко Спа́су Христу́: Аллилу́иа.

И́кос 10

Стена́ и заступле́ние земли́ Росси́йския яви́лся еси́, страстоте́рпче Христо́в царевичу́ Димитрие́, я́ко твоими́ моли́твами Госпо́дь Бо́г посла́ на раба́ твоего́ и уби́йцу — не́коего врага́ и отме́тника правы́я ве́ры, наре́кшагося тезоимени́тством твои́м, да све́ржет уби́йцу твоего́ с престо́ла ца́рска, е́же и бы́сть. Сего́ ра́ди тебе́ припа́дающе зове́м:

Ра́дуйся, в беда́х и напа́стех ско́рый наш помо́щниче. Ра́дуйся, ве́рных огражде́ние и свяще́нное прибе́жище. Ра́дуйся, ревну́ющих о спасе́нии души́ кре́пкий помо́щниче. Ра́дуйся, предста́тельство бе́дствующим нам в мо́ре житейском. Ра́дуйся, послу́шателю тебе́ моля́щихся. Ра́дуйся, пода́телю ми́лости тоя́ тре́бующим. Ра́дуйся, нетле́нием мо́щей твои́х в и́стине воскресе́ния ме́ртвых нас уверя́яй. Ра́дуйся, о́браз безсме́ртia в сме́ртном телеси́ показу́яй.

Ра́дуйся, святы́й страстоте́рпче кня́же царевичу́ Димитрие́.

Конда́к 11

Пе́ния и пе́сни духо́вныя соверша́ху лю́дие в пренесе́нии честны́х и многоцеле́бных мо́щей

твоих, царевичу Димитрие, из богоспасаемаго града Углича в царствующий град Москву, егоже память святая Церковь и до днесь совершает, со всеми верными чады своими зываючи ко Господу: Аллилуиа.

Икос 11

Светозарнаго светильника пред Престолом Божиим стоящаго, очами веры зрим тя, царевичу Димитрие. Темже со умилением припадающе ко изображению лица твоего, благодарственно к тебе зываем:

Радуйся, града Углича небесный покровителю. Радуйся, всем чтущим память твою небесных благ ходатаю. Радуйся, прекрасный крине, верных сердца услаждай. Радуйся, непорочнаго младенчества и отрочества изрядная похвало. Радуйся, целомудрия и воздержания юных верный наставниче. Радуйся, ведущим брань противу мира, плоти и диавола добрый споспешниче. Радуйся, нам, бедствующим, на помощь ускоряй. Радуйся, от жития отходящим заступление твое многомоощное являй.

Радуйся, святой страстотерпче княже царевичу Димитрие.

Кондак 12

Благода́ть Божественную и благовре́менную по́мощь испроси́ нам, уго́днице Бо́жий, страстоте́рпче царевичу Димитрие, во дни́ безпомо́щия нашего, и бу́ди нам в напáстех утешитель, в беда́х заступник, в недуже́х врач, ту́не подава́яй нам да́ры целе́бныя от святы́х мощей твои́х, к ним же усер́дно припада́юще, взыва́ем чуде́с Творцу́ Бо́гу: Аллилу́иа.

И́кос 12

Пою́ще твоя́ чудеса́, страстоте́рпче Христо́в, царевичу Димитрие, ублажа́ем мученическую кончи́ну твою́, восхваля́ем ходата́йство и си́льное заступле́ние твоё о все́х, тре́бующих по́мощи твоея́, пред свято́ю ико́ною твое́ю с ве́рою и любо́вию тебе́ покланя́ющихся и к тебе́ моле́бно взыва́ющих:

Ра́дуйся, у Престо́ла Святы́я Трои́цы усер́дный наш ходатаю. Ра́дуйся, к Пречи́стей Де́ве Богоро́дице немол́чный наш моле́бниче. Ра́дуйся, собесе́дниче и слико́вниче святы́х А́нгелов. Ра́дуйся, святы́х мучеников равностоя́телю и совсе́льниче. Ра́дуйся, я́ко в хра́мах, во и́мя твое́ созданных, невидимо пребыва́еши. Ра́дуйся, я́ко моля́щихся в них

люде́й моли́твы во бла́го исполня́еши. Ра́дуйся, градо́в Москвы́ и У́глича недви́жимое утвержде́ние. Ра́дуйся, всея́ страны́ Росси́йския благонаде́жное от все́х бе́д заступле́ние.

Ра́дуйся, святы́й страстоте́рпче кня́же царевичу́ Димит́рие.

Конда́к 13

Освяты́й страстоте́рпче благове́рный кня́же царевичу́ Димит́рие! Приими́ сие́ ма́лое моле́ние на́с, пред свято́ю ико́ною твоёю с ве́рою и любóвию тебе́ покланя́ющихся, и тёпल्या моли́твы о на́с ко Го́споду вознеси́, и от бе́д и скорбе́й на́с свободи́, вопию́щих Ему́ вы́ну: Аллилу́иа, Аллилу́иа, Аллилу́иа.

Этот конда́к чита́ется три́жды, зате́м и́кос 1 и конда́к 1.

Моли́тва 1

Опресла́вный и дивны́й в чуде́сах, красото́ мучеников, страстоте́рпче кня́же царевичу́ Димит́рие! Ско́ро предста́ни Небе́сному Царю́ и мученические́ твоя́ ру́це о на́с, грешных, моле́бне к Нему́ простри́, я́ко имейя́ дерзнове́ние ве́лие. Сохрани́ же твоими́ моли́твами гра́д сей и вся́ гра́ды и ве́си правосла́вныя, и святе́йшия патриархи́ и преосвяще́нныя митрополи́ты,

архиепископы и епископы, и весь священный чин церковный, и вся православныя христианы; всех нас прими в твое заступление, от всех бед и зол избавляя и от нашествия видимых и невидимых, борющих нас врагов, свободя, и тех всяк навет и злохитрство погубляя и отгоняя; таже прегрешений наших прощение испроси и в век будущий Небеснаго Царствия нас сподоби и спасенных Богу представи, благодатию и человеколюбием Господа и Спаса нашего Иисуса Христа, Ему же честь и поклонение подобает, ныне и присно и во веки веков. Аминь.

Молитва 2

Освятый мучениче, благоверный царевичу и княже Димитрие! Яко агнец незлобив от раба заколенный, венцем царским от Господа венчался еси, и сын царев быв, мученик непобедим явился еси, и вместо земных и тленных на небеси нетленная восприял еси. И ныне предстои в радости Святей Троице, посещай творящих верно твою светносную память: соблюдай отечество твое и град твой невредим, тому бо еси утверждение; утверди православных жителство в мире глубоче: междоусобную брань укроти, и вся полезная даруй всегда людем молитвами твоими, да

вѣроу и любовію вопіем ти: радуйся, святе Димітріе, вѣрных людей тёплый заступниче и прибежище и земли Россійскія украшѣние. Аминь.

Молитва 3

О великий и милостивый страсотерпче, царевичу княже Димітріе! Услыши нас, грѣшных, молѣние со усердием тебе приносящих, и помози нам в жизни сей, от грехов и скорбей избавляя, и в будущем веке буди помощник и заступник, от мучений адовых свободяя и сподобляя купно с тобою поклоняться и воспевати Всесвятую Троицу, Отца и Сына и Святаго Духа, ныне и присно и во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НУЖЕ
НЕБО**